

影印  
文淵閣

四庫全書

影印

文淵閣四庫全書

第六六六冊

北京出版集團公司  
北京出版社

# 本冊目次

欽定八旗通志(三)

清 乾隆五十一年敕撰……一

欽定四庫全書

史部  
欽定八旗通志卷一百二十一

欽定四庫全書

欽定八旗通志卷一百二十一

人物志

志書之有人物蓋自漢晉以來矣襄陽耆舊汝南  
先賢其記載之權輿乎唐宋至今凡一郡一邑之  
志洎夫天下之通志無不蒐羅史籍探索金石以  
表章懿淑垂軌將來亦敦崇世教風勵人心之義  
也哉

欽定四庫全書

欽定八旗通志  
卷一百二十一

國家

龍興東土奄有埏紘貞元會其昌期斯川岳鍾其靈氣  
風雲龍虎英詰輩生炳炳然與虞臣周佐爭光者  
蓋不可以殫數

列聖相承教養培植百有餘載我

皇上撫臨函夏益鞠益謀四極四合罔不率迪而八旗

根本之地沐浴

聖化觀感尤深故高門巨閥詠駿烈誦清芬者尤繩繩

繼起此人物一志所以視往古為盛也然歷朝輿記泛濫者多即八旗舊志但據碑誌之文者亦或不免亦既仰請

睿裁一以

國史列傳為準誠足以信今傳後昭宸鉞之至公惟是

國史之例義兼彰瘴故美惡並存志書之例則遐稽

古籍並以揚善為宗苟斷限不嚴則體裁為舛今

欽定四庫全書

欽定八旗通志  
卷一百二十一

敬擬宗室王公以及内外文武大臣惟以功名終

始者得入此編或先麗刑書後蒙

天鑒宗室如睿親王大臣如鰲拜等亦得並入若其初

年屢勉得荷

恩榮末路昏迷自羅罪譴雖有功績均不敢濫收又八

旗漢軍如范文程之生原豐邑功比鄼侯自宜垂

光於竹帛其他勝國舊臣倒戈順命如洪承疇等

雖勤勞茂著顯秩酬庸然我八旗滿洲中應天佐

運百戰開疆勲業遠出其上者史不勝載實不借楚材晉用以焜耀旂常况我

皇上大公至正扶植綱常甄別貳臣各為列傳一筆一

削義秉春秋其人既瑜不掩瑕尤未可列為臣範

其或家承帶礪延及子孫果有挺出之才仍一體登

諸簡牘庶一奪一予均得其平至於宗室襲封諸

臣世爵

國史之例子孫各附其祖父以著淵源今志人物

欽定四庫全書

欽定八旗通志  
卷一百二十一

則必其卓有樹立無忝家聲乃得列為附傳若世

澤相承並無事迹及雖有事迹而未為特出者其

世系支派則詳載於封爵世職二表茲不復贅焉

人物志一

宗室王公傳一之上

和碩禮烈親王代善 和碩  
康良親王傑書 謹案宗室

諸傳先列親王而即王貝勒等以次遞及故不叙

世代然每一親王下各有子孫表著者宜連屬比

附以便覽觀則又難割然序爵也茲敬以傳之一  
載禮烈親王及其子孫傳之二載鄭獻親王及  
其子孫傳之三載睿忠親王傳之四載豫通親王  
傳之五載肅武親王傳之六載永澤親王敬謹親

王傳之七載追封親王者饒餘郡王是也傳之八亦追封親王者靖定貝勒是也傳之九載原封親王者英親王是也蓋首卷至此皆親王而中間各以子孫分附焉至傳之十乃載誠毅貝勒馬義貝勒安平貝勒等傳之十一載原封貝勒阿敏等傳之十二載鎮國公阿拜至鎮國將軍洛託大略序爵之中仍各彙其派係庶披覽之際有條緒可尋云

和碩禮烈親王代善 子滿達海

代善

太祖高皇帝次子初從征哈達輝發葉赫等國論功封貝

勒丁末年以東海瓦爾喀斐悠城人苦烏拉國貝

欽定四庫全書

欽定八旗通志  
卷一百二十一

勒布占泰之虐乞移家歸附代善與兄褚英隨貝

勒舒爾哈齊及一等大臣費英東侍衛扈爾漢率

兵三千往徙之軍夜行見大霧上有光衆以為異

捫視無有復樹之光如初舒爾哈齊疑非吉兆欲

回兵代善與褚英並決意進兵遂至斐悠城盡收

環城屯寨凡五百戶令扈爾漢率兵三百衛之先

行布占泰發兵萬人邀諸路次日代善與諸貝勒

至率兵奮禦遂渡河代善與褚英各率兵五百分

二路緣山擊之烏拉兵遂敗代善追及烏拉統兵貝勒博克多從馬上左手攫其胄而斬之

上嘉其功賜號古英巴圖魯癸丑年正月布占泰背盟代善隨

上統大兵征之既攻克遼扎塔郭多鄂謨三城布占泰率

兵三萬越富勒哈城而軍時領兵諸貝勒大臣皆

欲戰

上曰征伐大國豈能遽使無遺乎代善曰所慮者無計

欽定四庫全書

欽定八旗通志  
卷一百二十一

令布占泰出城耳今彼兵既在平原曠野可一鼓

擒也舍此不戰厲兵秣馬何為今我兵士飽馬騰

列陣在此當決戰

上曰爾等衆志既孚即決戰可也時諸貝勒大臣及軍士

皆踴躍遂進兵烏拉兵大敗十損六七餘皆棄兵

甲遁我兵乘勢奪門遂克其城布占泰率敗兵不

滿百回至城下見城隍悉樹我軍旗幟大驚潰代

善復統兵截擊之布占泰僅以身免竄葉赫所屬

城邑皆降編戶萬家天命元年

上初正大號叙羣臣功封和碩大貝勒四人以代善為首

三年四月

上以七大恨告

天興師征明行二日雨欲旋師代善言天降此雨以懈明

將之心吾進兵乃出其不意

上善之遂進圍撫順明遊擊李永芳以城降東州瑪哈丹

二城及臺保五百餘皆下携降衆還既出明邊二

欽定四庫全書

欽定八旗通志  
卷一百二十一

六

十里明總兵張承蔭等率萬人來追代善同

四貝勒返戰

上遣使止之代善奏曰彼若待我我則與戰若不待是必

走矣當乘勢追襲無使我兵寂然歸致謂我怯也

上然之亦移師入遼破其三營斬承蔭及副將頗廷相叅

將蒲世芳遊擊梁汝貴等四年三月明大發兵四

路來侵

上親禦西路

命代善前行偵者告明兵六萬出清河代善曰清河道仄

崎嶇未能驟至當先禦撫順乃與扈爾漢先出扎

喀闕方謀設伏待敵會

四貝勒至謂界藩有築城夫役宜急衛之遂直趨界藩據

吉林崖時明總兵杜松結營薩爾滸山而自引兵圍

吉林崖衆貝勒遂分兵千助吉林軍

上至

命先攻薩爾滸山我兵仰射奮擊破之適所遣助吉林崖

欽定四庫全書

欽定八旗通志  
卷一百二十一

七

軍亦乘勝合擊大敗明兵斬杜松及總兵王宣趙

夢麟等而明總兵馬林復夜營尚間崖代善以三

百騎往視遣使馳報

上親臨明兵四萬已成陣代善策馬先入衆貝勒繼之明

兵敗潰斬副將麻岩林僅以身免代善復與

四貝勒統兵敗明總兵劉綎兵四萬於阿布達哩岡綎歿

於陣旋收降朝鮮助明之將士而還七月從

上攻鉄嶺城敗助明之蒙古兵八月從

上平定葉赫六年三月

上親征明瀋陽既敗明提兵李秉誠等代善偕其子白古

岳託追四十里斬馘無算七月鎮江城中軍陳良

策與居民潛通明將毛文龍令別堡之民詐稱兵

至大呼噪城中驚擾良策乘亂執城守遊擊佟養

正殺其子豐年并從者六十人叛投毛文龍

上聞之

命代善同莽古爾泰率兵三千遷金州沿海居民於復州

欽定四庫全書

欽定八旗通志  
卷一百二十一

十一年八月

太祖龍馭上賓代善及子岳託薩哈璘共作議書詣

朝以書示大貝勒阿敏等言推戴

太宗文皇帝嗣統衆皆喜

上讓至再三代善言益懇切衆議亦堅乃

從之十月

命率精兵萬人往征蒙古喀爾喀扎魯特部執貝勒巴克

父子三人及貝勒拉什希布岱青多爾濟桑阿爾齋

等十四人殺鄂爾齋圖貝勒俘其屬戶還天聰元

年五月奉

命與貝勒阿敏碩託率正紅鑲紅鑲藍三旗兵征明攻錦

州薄寧遠城殪殺無算因溽暑班師三年十一月

上親征明入洪山口克遵化趨京城北土城關之東駐營

明大同總兵滿桂宣府總兵侯世祿以兵來援至

德勝門代善領兵進擊敗之追至隘口掩殺甚衆

十二月攻克良鄉還破敵永定門南遂隨

欽定四庫全書

欽定八旗通志  
卷一百二十一

上率護軍礮手五百往視薊州形勢代善先發會明山

海關步兵五千來援薊州距城二里許與我兵

遇敵兵不敢入城遂立營環立車盾鎗礮代善

麾左翼四旗護軍攻其東破之四年二月明兵

部侍郎劉之綸率兵至遵化踞山營代善率八

旗護軍兵攻之圍其山招之綸降不從遂縱兵

攻破其七營之綸遁巖中我兵射殪之擒遊擊

守備各一五年七月從

上圍大凌河城正紅旗兵圍西北代善軍為策應時城外  
守臺明兵害我遊牧十人掠駝馬去代善與貝勒  
濟爾哈朗等率兵三千以紅衣礮攻其臺焚近臺  
房屋百餘間獲駝馬數十留兵守之九月明監軍  
道張春總兵吳襄等率兵四萬自錦州來援距城  
十五里代善隨

上率滿洲蒙古舊漢兵約二萬迎擊之敵馬步兵合營四

面列大小礮及鳥鎗我右翼兵衝入敗之襄及其

欽定四庫全書

欽定八旗通志  
卷一百二十一

十

副將桑阿爾濟通春復收潰卒而軍乘西風縱火

逼我營甚急會天雨反風熾敵營我兵合攻之陣

斬副將張吉甫等生擒春及副將張洪謨楊華徵

薛大湖等時被擒各官見

上皆跪拜獨春不跪

上欲誅之代善曰我兵前此陣獲之人無不收養此人欲

以死成名奈何殺之以遂其志遂赦之八年五月隨

上率兵征明出榆林口至宣府境率兩紅旗及蒙古兵

自喀喇鄂博入攻德勝保殲其衆明城守恭將李  
全自縊死保民皆潰逃進攻大同懷仁縣未克遂  
由朔州趨馬邑八月

上親攻大同代善率兵來會獻俘獲還十年四月

上建國號大清改元崇德大封功臣晋代善和碩兄禮親

王十二月從

上征朝鮮受其國王李倬降以歸八年八月

世祖章皇帝嗣位王與鄭親王濟爾哈朗睿親王多爾袞

欽定四庫全書

欽定八旗通志  
卷一百二十一

上

同輔政時郡王阿達禮貝子碩託謀立睿王多爾

袞禮親王代善發其謀阿達禮碩託伏誅碩託代

善第二子阿達禮則其孫也衆咸謂王大義滅親

比烈周公云順治五年十月薨年六十有六以第

七子滿達海襲親王爵

賜號曰吳是年定

賜祭葬銀例親王應五千兩奉

旨特賜銀萬兩六年十月立墓碑紀功康熙十年五月

上特表王功績追謚曰烈復立碑表墓子八人長子克勤

郡王岳託第三子額親王薩哈璘俱自有傳乾隆

十九年九月入祀

盛京賢王祠四十三年正月

上以王與鄭親王濟爾哈朗睿親王多爾袞肅親王豪

格克勤郡王岳託並

太祖

太宗

欽定四庫全書

欽定八旗通志  
卷一百二十一

世祖時戮力行間柳風沐雨之親藩宜配饗

太廟又以王等初封嘉號當長延奕禩

詔現襲禮親王爵之康親王復封號曰禮吳親王滿達海

禮親王代善第七子天聰二年大兵征明錦州滿

達海率師往截明杏山糧運於海上取之崇德五

年復從大兵圍錦州擊敗杏山援兵又以紅衣礮

擊敗松山馬兵六年五月封輔國公八月從肅親

王豪格圍松山以本旗兵擊敗明松山兵錦州城

中有兵出城刈草率右翼侍衛擊走之明兵犯鑲

紅旗營滿達海擊敗之明總兵洪承疇以兵十三

萬援錦州滿達海以步戰破其三隊承疇兵復來

犯力拒之馬被創肅親王豪格易以馬甫就騎而

敵大至乃奮勇返擊殿後而還明兵復乘雨來犯

率兵擊却之明總兵吳三桂率兵據山立營滿達

海偕諸軍擊破之三桂宵遁十一月從豫郡王多

鐸赴寧遠有明兵運粟海上率兵擊取之七年四

欽定四庫全書

欽定八旗通志  
卷一百二十一

月從鄭親王濟爾哈朗等征明克塔山八年從征

明中後所前屯衛俱有功八月授都察院承政順

治元年四月從睿親王多爾袞入山海關擊走流

賊李自成復敗之於望都縣十月晉封固山貝子

隨英親王阿濟格追剿自成由邊外趨綏德二年

二月進克沿邊三城及延安府又追賊至湖廣承

天府破偽肅王八月凱旋三年正月從靖遠大將

軍肅親王豪格剿四川流賊張獻忠七月由漢中

進秦州圍賊渠高如礪於三台山如礪降十一月

師至西充斬獻忠肅親王令偕貝勒尼堪等分剿

遵義夔州茂州榮昌隆昌富順內江資陽諸處餘

賊四年八月班師六年四月襲父和碩親王爵七

月授征西大將軍與多羅謙卽王瓦克達征大同

叛鎮姜瓖攻朔州寧武等處八月克朔州馬邑降

寧武關偽總兵劉偉偽道員趙夢龍及副將以下

官升五十餘員馬步兵五千四百餘名靜樂縣寧

欽定四庫全書

欽定八旗通志  
卷一百二十一

十四

化所八角保山寨悉平遂會端重親王軍克復汾

州斬偽巡撫姜建勳偽布政使劉東業等偽總兵

楊振威斬瓖首獻英親王軍大同平十月遣護軍

統領索渾圖平遙偽知縣劉三元棄城走又遣署護軍統領

希爾根圖太谷以紅衣破破其城偽知縣李成沛偽都司吳

成器率衆遁遣兵追殲之時潞安府賊分兵拒沁州又圍遼州王

復遣多羅貝勒拜音圖護軍統領索渾圖馳赴沁州賊聞風遁

遂拔沁州趨潞安偽道員胡國鼎來戰大兵圍之比夜遁

去遣兵邀擊殲之又遣鎮國公漢岱署護軍統領

希爾根赴遼州擊破賊兵屯留襄垣榆社武鄉等

縣俱降尋

召還京七年二月同理六部事八年二月加封號英親王

三月

命掌理吏部事六月

上幸南苑

賜鞍馬九年二月薨年三十一諡曰簡七月以長子常阿

欽定四庫全書

欽定八旗通志  
卷一百二十一

十五

岱襲封英親王十六年追論滿達海與睿親王素

無嫌分取其所遺財物掌吏部時尚書譚泰驕縱

不能糾削爵謚並降常阿岱爵為貝勒

詔以多羅康郡王傑書襲其祖代善親王爵康熙四年常

阿岱薨謚懷愍第六子星尼降襲固山貝子次子

錫倫圖於十五年封奉恩將軍三十六年從征厄

魯特有功加一雲騎尉後俱停襲乾隆四十三年

三月

上以吳親王滿達海著有勞績

賜一等輔國將軍爵世襲罔替以滿達海七世孫福色璽額襲

和碩康良親王傑書

傑書禮親王代善孫父祜塞禮親王第八子順治三年六月封鎮國公是年卒以傑書兄精濟襲封鎮國公尋晉多羅郡王六年三月薨謚懷愍十月傑書襲多羅郡王八年二月加號曰康十五年五月

欽定四庫全書

欽定八旗通志

卷一百二十一

七

月

詔以傑書爵追封其父祜塞為多羅郡王謚惠順十六年

十二月吳親王常阿岱降貝勒乃以傑書襲其祖代善和碩親王爵仍號康康熙元年三月追贈其父祜塞為親王十三年三月逆藩耿精忠據福建反分兵犯浙江江西六月授傑書奉命大將軍同貝子傅喇塔由浙江進剿九月師駐金華總督李之芳駐衢州破賊于焦園紫珥山賊將徐尚朝引

兵五萬犯金華王令都統巴雅爾副都統瑪哈達

迎擊斬賊將吳榮先等三十餘人殲賊兵二萬十

二月尚朝復率馬步兵三萬土寇二萬逼金華城

南十二里莊巴雅爾與總兵陳世凱等會剿破之

於積道山殺二萬餘復永康縉雲二縣賊將馮公

輔由義烏遁武義遣署前鋒統領希福躡之苦竹

嶺斬殪甚眾賊將沙有祥據桃花嶺梗處州路瑪

哈達與總兵李榮等擊潰之副都統穆赫林又敗

欽定四庫全書

欽定八旗通志

卷一百二十一

七

之于白水洋十四年正月復處州府及仙居縣公

輔尚朝等猶據宣平松陽屢窺處州都統拉哈達

偕諸將禦剿破之石塘石佛嶺大王嶺東隴隘口

上套寨下五塘等處時寧海將軍貝子傅拉塔由

黃巖規復溫州叛鎮祖宏勲曾養性糾賊數萬倚

山憑江水陸抗拒

上命傑書由衢州進回奏處州方有賊警金華兵力弱難

驟進十五年三月

諭趣之曰王坐守金華將及二載徒以文移往來為事不

親統官兵進剿逆賊何日可滅宜尅期進取毋再遲延

觀望貽誤軍機八月自金華移駐衢州敗賊于大溪灘

復江山常山二縣進攻仙霞關偽叅將金應虎迎

降遂長驅抵浦城縣攻拔之乃傳檄精忠言浦城

為閩中財賦要地今大兵攻拔已扼咽喉與其繫

頸就戮曷若立功贖罪以全百萬生靈九月復建

陽撫降建寧延平二府精忠益震懼無措遣其子

欽定四庫全書

欽定八旗通志  
卷一百二十一

九

顯祚來迎師王遣人賞免死

勅諭示之十月精忠出城六十里迎降獻所屬官兵冊籍

王遂入駐福州奏精忠請隨大軍剿海賊鄭錦以

贖罪

上報可時錦偽總統許耀率兵三萬直逼福州至烏龍江南

石門枕峯諸山結寨遂遣叅贊軍務都統拉哈達

率兵進剿大敗之追擊四十餘里十一月疏言精

忠出剿海賊其弟昭忠聚忠宜以一人米福州統

轄藩屬又疏言福州經制兵已照原額全設精忠

隨大軍所率佐領下兵數已不少其左右兩鎮官

兵可並裁汰宏勲養性應令赴京候補

上命耿昭忠為鎮平將軍駐福州餘如所請是月王遣穆

赫林等擊敗偽將軍吳淑于浦塘復邵武府進師

泰寧偽總兵王安邦等降汀州府及所屬諸縣悉

復十六年正月拉哈達賴塔破賊將趙得勝何祐

等二十六營于白茅太平諸山復興化府二月復

欽定四庫全書

欽定八旗通志  
卷一百二十一

九

泉州漳州二府奏入

諭曰王統率大兵自衢州入仙霞關直抵福州剿撫並用

所向克捷擊逐海賊收復全閩安輯百姓克奏膚功深

為可嘉三月疏言福建既平臣即欲統兵入粵但省會

重地未可輕離且距漳州遠恐遲至炎暑難進師

先就現駐漳州汀州騎兵令將軍拉哈達等率同

耿精忠赴潮州尋遣總兵馬三奇前鋒叅領都克

納敗海賊於龍溪十二月海賊率兵五千餘犯泉

州府所屬小營地方副都統楊鳳翔擊敗之十七年閏三月海賊犯漳州提督段應舉卻之四月賊陷平和環逼海澄穆赫林段應舉守禦越七旬外援不至城遂陷長泰亦陷王以援遲請罪

詔俟師旋再議七月賊陷同安惠安王遣署副都統禪布

提督楊捷統兵進剿兩路夾攻復之十月都統賴塔等破賊于蜈蚣山復長泰又破賊於柯鏗山萬松關副都統吉勒塔布提督姚啟聖提督楊捷等

欽定四庫全書

欽定八旗通志

卷一百二十一

三

敗賊將劉國軒於江東橋又敗之於潮溝之間副都統瑚圖敗吳淑於石衛寨斬獲無算盡奪賊寨沉其船十八年正月吉勒塔布及巡撫吳興祚擊賊劉國軒吳淑何祐等於郭塘歐溪頭大敗之追至江邊斬首二千餘級生擒偽提兵一偽副將二月國軒等犯江東橋吉勒塔布迎擊賊敗走太平寨我兵追勦斬賊千餘十月副都統沃申敗賊衆於東石城克之吉勒塔布復敗賊于鰲頭山十

九年二月沃申率滿洲綠旗兵進至大定山奮勇剿殺賊遁尾其後斬獲無算焚燬賊巢恢復大定

小定地方大兵水陸分進規取玉洲劉國軒竄石

馬海澄間我兵急追之走廈門隨遣官招撫海澄

偽提兵蘇堪開西門迎降玉洲石馬賊巢悉破復

海澄水師提督萬正色克海壇三月拉哈達楊捷

等克廈門金門賴塔克銅山焚燬賊巢餘賊竄臺

灣先是精忠為藩下峯領徐鴻弼等首其歸順後

欽定四庫全書

欽定八旗通志

卷一百二十一

五

尚蓄逆謀王疏請逮治

上密諭王令自請來京至是精忠亦自請入

覲王亦奉

詔班師五月疏言閩省投誠兵多需餉浩繁廈門金門已

恢復宜留八旗兵六百守泉州二千四百分守福

州漳州餘皆隨還十月凱還至京

上率諸王大臣等至盧溝橋迎勞傑書行抱見禮十一月

命預議政二十二年正月疏言官兵向駐永興城中與賊

對壘仰荷

天眷靈神顯助於雞公山真武廟旁監旗列隊一時官兵

賊衆無不共見於是我軍氣奮賊勢退沮其雞公

山廟神理應特致褒旌祀典以垂永久得

旨如所請春秋致祭二十九年七月率兵屯歸化城備剿

噶爾丹尋以撫遠大將軍裕親王福金將抵烏蘭

布通

詔移師會之至則賊已竄十月撤還三十六年閏三月薨

欽定四庫全書

欽定八旗通志  
卷一百二十一

主

年五十三謚曰良建碑墓道七月以傑書第六子

椿泰襲和碩康親王爵四十八年薨謚曰悼長子

崇安襲雍正五年掌宗人府事十一年薨謚曰修以

椿泰弟原封三等輔國將軍巴爾圖襲乾隆十八年

薨謚曰簡以崇安第二子原封多羅貝勒永恩襲

十九年總理正黃旗覺羅學四十三年正月

命復禮烈親王始封之號仍為禮親王

欽定八旗通志卷一百二十一

欽定四庫全書

欽定八旗通志卷一百二十二

人物志二

宗室王公傳一之中

和碩額駙親王薩哈璘  
多羅順承恭忠郡王勒克德渾  
多羅謙裏郡王瓦克達  
輔國公瑪瞻

和碩額駙親王薩哈璘

薩哈璘禮烈親王代善第三子天命十年十一月

察哈爾林丹汗圍科爾沁薩哈璘以精騎五千援

欽定四庫全書

欽定八旗通志  
卷一百二十二

之林丹汗遁十一年四月討喀爾喀巴林部十月

隨征喀爾喀扎魯特部俱有功是年封貝勒天聰

元年五月

上親征明薩哈璘與貝勒德格類等率精騎為前隊至錦

州明兵遁薩哈璘邀殲之復與三貝勒莽古爾泰

等率偏師往衛塔山糧運有明兵二萬與我前軍

八十人遇擊敗之獲其馬匹甲冑大兵進圍寧遠

明總兵滿桂率密雲兵出城東二里列陣我兵擊

敗之追至城下薩哈璘同諸貝勒分兵勦殺大磧之薩哈璘被創戰彌厲三年十月

上征明次波羅河也大貝勒代善等密請班師

上不懌薩哈璘同貝勒岳託等力勸決進取遂由洪山口克遵化進逼明北京至德勝門敗明兵之來援者十二月同諸貝勒畧通州焚其船克張家灣圍永平克香河縣又殲沙河驛蒙古兵之出奔山海關者五百人四年正月克永平同貝勒濟爾哈朗奉

欽定四庫全書

欽定八旗通志  
卷一百二十二

命統兵萬駐守永平有李春旺者訛言將屠城以惑眾擒斬之別遣人招諭所屬之臺頭營遷安灤州建昌營鞍山保皆降事具鄭獻親王傳三月遣軍敗明副將張宏謨兵四月明兵自樂亭撫寧來攻灤州薩哈璘率兵援擊之敵兵遁二貝勒阿敏來代乃攜所俘還五年七月初設六部

命薩哈璘掌禮部事是月

上征明與貝勒杜度豪格留守六年五月同濟爾哈朗等

率右翼兵畧歸化城黃河諸路俘蒙古千餘復指授歸順蒙古諸貝勒牧地申約法十月師還七年

六月

詔問征明及察哈爾朝鮮三者何先奏言當寬朝鮮拒察哈爾而專征明察哈爾雖不加征如蟲食穴中勢必自盡不煩急圖至於明若我兵少緩一年彼守禦益固臣意謂當視今歲秋成乘彼禾稼方熟即往攻之因糧於敵為再進計量留兵防察哈爾

欽定四庫全書

欽定八旗通志  
卷一百二十二

上與諸貝勒先率精騎直入往來襲擊略其所屬即還再數遣人說祖大壽並

命貝勒率精兵自一片石入山海關則彼寧遠錦州為無用或仍從故道入斷北京四路度地形奪其糧餉充足之地據守勿歸乘機伺便二三年中大勲克集矣八月同諸貝勒略明山海關師還

上以不乘勝入內地責之八年二月同貝勒多爾袞往迎明將尚可喜招撫廣鹿長山二島獲戶口三千八

百有奇五月從大兵証明薩哈璘同諸貝勒奉

命由喀喇鄂博入邊攻克得勝保殲其兵明城守叅將李

全自縊復進兵大同攻懷仁八月略代州偵崞縣

城頗壞夜半往襲拔之王東板鎮二保居民皆潛

遁復擊敗代州騎兵百步兵三百追薄其城乃還

率兵謁

上於大同獻俘獲九年同多爾袞岳託豪格等統兵往收

察哈爾林丹汗子額哲途遇察哈爾汗之妻及台

欽定四庫全書

欽定八旗通志  
卷一百二十二

四

吉索諾木率所屬千五百戶來降進抵托里圖盡

取額哲全部時岳託駐軍歸化城薩哈璘同多爾

袞豪格進略山西各府縣仍自歸化城旋事詳睿

忠親王傳崇德元年正月薩哈璘有疾

上臨視再三見其羸瘠愀然淚下五月薨年三十有三薩

哈璘明達聰敏通曉滿漢蒙古文義掌禮部事贊

謨猷

上深嘉之及其薨不勝震悼入哭者四自辰至午乃還

宮仍於庭中設

幄座不御飲食至戌乃入

輟朝三日祭時

上親奠酒慟哭追封和碩穎親王讀冊畢復痛哭三奠諸

王文武大臣皆泣下六月

上御翔鳳閣偶假寐夢人請曰穎親王乞

賜牛一如是者再寤以問希福等皆奏言

皇上悼念甚切故有此夢

欽定四庫全書

欽定八旗通志  
卷一百二十二

五

上曰不然此夢最真切當別有故於是希福等檢閱會典

凡親王薨初祭時例賜一牛穎親王初祭未用牛

上命致祭如禮康熙十年五月追謚曰毅乾隆十九年九

月入祀

盛京賢王祠薩哈璘長子阿達禮初襲封多羅郡王

崇德三年二月從征喀爾喀至博碩堆偵扎薩克

圖汗遠遁乃還五年正月同鄭親王濟爾哈朗等

駐義州迎來歸蒙古多羅特部於杏山西五里臺